

Na osnovu člana 16. stav 2. Zakona o Vladi Zeničko-dobojskog kantona - Prečišćeni tekst („Službene novine Zeničko-dobojskog kantona”, broj: 7/10 i 3/23), a u skladu sa Programom utroška sredstava planiranih u Budžetu Zeničko-dobojskog kantona za 2023. godinu na poziciji „Kapitalni transferi drugim nivoima vlasti – za zdravstvo“, broj: 02-11-9547/23 od 09.06.2023. godine, na prijedlog Ministarstva zdravstva, Vlada Zeničko-dobojskog kantona, na 37. sjednici, održanoj dana 28.09.2023. godine, d o n o s i

ODLUKU

o odobravanju sredstava JU Kantonalna bolnica Zenica za građevinske radove na rekonstrukciji, dogradnji i nadogradnji postojećih bolničkih prostora Odjela interne medicine sa hemodijalizom za namjenu – Koronarna jedinica

Član 1.

(Predmet)

(1) Odobravaju se sredstva JU Kantonalna bolnica Zenica u iznosu od 700.706,57 KM (slovima: sedamstohiljadasedamstotinašest i 57/100 konvertibilnih maraka) za građevinske radove na rekonstrukciji, dogradnji i nadogradnji postojećih bolničkih prostora prvog sprata zgrade Odjela interne medicine sa hemodijalizom za namjenu – Koronarna jedinica JU Kantonalna bolnica Zenica.

(2) Odobrena sredstva se odnose na ukupnu cijenu građevinskih radova sa PDV-om, prema Ugovoru broj: 22-04-6520/23 od 11.09.2023. godine, koji je JU Kantonalna bolnica Zenica zaključila sa „INTER“ d.o.o. Tešanj.

Član 2.

(Analitička konta)

(1) Sredstva iz člana 1. ove odluke isplatit će se iz Budžeta Zeničko-dobojskog kantona za 2023. godinu („Službene novine Zeničko-dobojskog kantona”, broj: 3/23) sa razdjela 21 - Ministarstvo zdravstva, budžetska organizacija 01, potrošačka jedinica 0001, ekonomski kod 615100, pozicija „Kapitalni transferi drugim nivoima vlasti - za zdravstvo”.

(2) Sredstva odobrena Odlukom će se transferisati na žiro-račun JU Kantonalna bolnica Zenica broj: 1340100000339717 otvoren kod ASA banke, na osnovu Odluke.

(3) Transfer sredstava iz člana 1. ove odluke, izvršit će se u ukupnom iznosu po donošenju Odluke.

Član 3.

(Provođenje Odluke)

Za provođenje ove odluke zadužuju se Ministarstvo zdravstva, Ministarstvo finansija i JU Kantonalna bolnica Zenica, svako u okviru svoje nadležnosti.

Član 4.

(Izvještavanje)

JU Kantonalna bolnica Zenica dužna je izvijestiti Ministarstvo zdravstva o namjenskom utrošku sredstava dostavljanjem faktura za svaku privremenu situaciju i okončanu situaciju i dokaza o uplati sredstava dobavljaču.

Član 5.
(Stupanje na snagu)

Odluka stupa na snagu danom donošenja i bit će objavljena u „Službenim novinama Zeničko-dobojskog kantona“.

PREMIJER

Amra Mehmedić

Broj: 02-11-14761/23

Datum, 28.09.2023. godine

Z e n i c a

DOSTAVLJENO:

1x Ministarstvo zdravstva,

1x Ministarstvo finansija,

1x JU Kantonalna bolnica Zenica, putem Ministarstva,

1x „Službene novine Zeničko-dobojskog kantona“,

1x a/a